

Broj: 06-03-695-13/24/15
Mostar, 29.01.2016. godine

Na osnovu člana 21., člana 37., člana 42., člana 84., člana 87. stav (1) i stav (2), člana 88. stav (1) i člana 93. stav (1) i stav (4) Zakona o električnoj energiji u Federaciji Bosne i Hercegovine („Službene novine Federacije BiH“ broj 66/13 i 94/15), člana 20. stav (2) Zakona o korištenju obnovljivih izvora energije i efikasne kogeneracije („Službene novine Federacije BiH“ broj 70/13 i 5/14), člana 20. stav (1) i člana 23. stav (1) Statuta Regulatorne komisije za energiju u Federaciji Bosne i Hercegovine („Službene novine Federacije BiH“ broj 24/14 i 91/15), člana 8. stav (1), člana 32. stav (4) i člana 42. stav (1) Poslovnika o radu Regulatorne komisije za energiju u Federaciji Bosne i Hercegovine („Službene novine Federacije BiH“ broj 29/14), člana 78. Pravilnika o javnim raspravama i rješavanju zahtjeva, sporova i žalbi („Službene novine Federacije BiH“ broj 57/12 i 71/14), člana 20. Pravilnika za izdavanje dozvola („Službene novine Federacije BiH“ broj 43/14), člana 10. stav (3) i člana 13. stav (2) Pravilnika o stjecanju statusa kvalifikovanog proizvođača električne energije („Službene novine Federacije BiH“ broj 53/14), postupajući po Zahtjevu za izmjenu i dopunu dozvole za rad broj 06-03-695/24/15 od 05.08.2015. godine podnosioca zahtjeva „ELGRAD“ d.o.o. Jajce u postupku izmjene i dopune Dozvole za rad za proizvodnju električne energije broj 06-03-98/2/08 od 21.07.2014. godine, Regulatorna komisija za energiju u Federaciji Bosne i Hercegovine – FERK je dana 29.01.2016. godine na I redovnoj sjednici donijela sljedeće

RJEŠENJE

1. Dozvola za rad za proizvodnju električne energije broj 06-03-98/2/08 od 21.07.2014. godine izdata Rješenjem broj 06-03-98-13/2/08 od 07.04.2008. godine i izmijenjena i dopunjena Rješenjem broj 06-03-867-17/7/10 od 23.11.2010. godine i Rješenjem broj 06-03-335-13/9/14 od 21.07.2014. godine, imaocu dozvole „ELGRAD“ d.o.o. Jajce mijenja se i dopunjuje, te glasi kao u prilogu, koji je sastavni dio ovog rješenja.
2. Utvrđuje se „ELGRAD“ d.o.o. Jajce status kvalifikovanog proizvođača i u proizvodnom objektu mHE „Kasumi“.
3. Ovo rješenje je konačno i stupa na snagu danom donošenja, te se objavljuje na oglasnoj tabli i internetskoj stranici FERK-a, a dispozitiv ovog rješenja u „Službenim novinama Federacije BiH“.

Obrazloženje

Dana 05.08.2015. godine, FERK je primio od „ELGRAD“ d.o.o. Jajce Zahtjev za izmjenu i dopunu dozvole za rad, u postupku izmjene i dopune Dozvole za rad za proizvodnju električne energije broj 06-03-98/2/08 od 21.07.2014. godine, sa novim proizvodnim objektom mHE „Kasumi“ pod brojem 06-03-695/24/15.

Prilikom pregleda potpunosti podnesenog zahtjeva, u skladu sa članom 9. Pravilnika o javnim raspravama i rješavanju zahtjeva, sporova i žalbi, FERK je utvrdio da podneseni zahtjev nije potpun u smislu člana 12. Pravilnika za izdavanje dozvola. Zbog navedenog,

FERK je postupajući u skladu sa članom 10. Pravilnika o javnim raspravama i rješavanju zahtjeva, sporova i žalbi dostavio podnosiocu zahtjeva Obavještenje o nedostacima podnesenog Zahtjeva za izmjenu i dopunu dozvole za rad broj 06-03-695-01/24/15 od 04.09.2015. godine, te mu odredio rok radi otklanjanja u obavještenju naznačenih nedostataka i upozorio ga na posljedicu propuštanja.

Postupajući po obavještenju, podnosilac zahtjeva je dostavio dopis primljen u FERK 23.09.2015. godine pod brojem 06-03-695-02/24/15, te dopis primljen u FERK 27.10.2015. godine pod brojem 06-03-695-03/24/15, uz koje je dostavio traženu dokumentaciju i obrazloženja.

Postupajući u skladu sa članom 15. Pravilnika za izdavanje dozvola FERK je dana 16.11.2015. godine u „Oslobođenju“ i na svojoj internetskoj stranici objavio Obavještenje za javnost o podnesenom Zahtjevu za izmjenu i dopunu dozvole za rad, u postupku izmjene i dopune Dozvole za rad za proizvodnju električne energije broj 06-03-98/2/08 od 21.07.2014. godine, sa novim proizvodnim objektom mHE „Kasumi“.

Povodom Obavještenja za javnost, FERK do roka naznačenog u obavještenju odnosno do 23.11.2015. godine, nije primio pisane komentare zainteresovanih lica na podneseni zahtjev, niti su podneseni zahtjevi za sticanje statusa umješšača.

Na osnovu navedenog, a u skladu sa članom 55. Pravilnika o javnim raspravama i rješavanju zahtjeva, sporova i žalbi, FERK je dopisom 06-03-695-05/24/15 od 26.11.2015. godine obavijestio podnosioca zahtjeva da će FERK provesti postupak izmjene dozvole, bez održavanja formalne rasprave, te istom dao mogućnost da ukoliko raspolaže novim činjenicama u vezi sa predmetom postupka, iste predstavi, odnosno uputi svoje komentare FERK-u do 01.12.2015. godine.

Postupajući po navedenom obavještenju, da se postupak izdavanja dozvole provede po skraćenom postupku, podnosilac zahtjeva je dostavio FERK-u dopis primljen 30.11.2015. godine pod brojem 06-03-695-06/24/15 u kojem je naveo da je saglasan da se postupak izmjene dozvole provede po skraćenom postupku i nije iznio nove činjenice u vezi sa predmetom postupka, te nije uputio druge komentare FERK-u.

Na osnovu provedenog postupka tokom kojeg je izvršena pažljiva analiza svih činjenica i podnijetih dokaza na osnovu kojih se moglo utvrditi stanje stvari, FERK je u skladu sa članom 17. stav (2) i stav (3) Pravilnika za izdavanje dozvola, a polazeći od člana 49. stav (1) istog pravilnika kojim je, pored ostalog, propisano da se postupak izmjene i dopune dozvole vodi na isti način kao i postupak izdavanja dozvole, te na osnovu člana 92. stav (1) Zakona o električnoj energiji u Federaciji Bosne i Hercegovine, Odlukom broj 06-03-695-07/24/15 od 08.12.2015. godine usvojio Nacrt dozvole za rad za proizvodnju električne energije, dok je Odlukom broj 06-03-695-08/24/15 od 08.12.2015. godine, ovaj nacrt upućen u proces javne rasprave, te je određeno mjesto, datum i vrijeme održavanja opšte rasprave o predmetnom Nacrtu dozvole, imenovan voditelj postupka i zamjenik voditelja postupka, kao i da zainteresovana lica svoje usmene komentare na Nacrt dozvole za rad za proizvodnju električne energije mogu dati na opštoj raspravi koja je održana 21.12.2015. godine u 12:00 sati, u prostorijama Opštine Jajce u Jajcu, a pisani komentari su se mogli dostaviti na adresu FERK-a ili na elektronsku adresu, u periodu od 09.12.2015. godine do 28.12.2015. godine do 12:00 sati.

Opštoj raspravi o Nacrtu dozvole za rad za proizvodnju električne energije prisustvovali su predstavnici FERK-a i podnosioca zahtjeva. Predstavnica podnosioca zahtjeva je navela da se slaže sa predloženim tekstom Nacrta dozvole za rad i jedina primjedba je na period važenja dozvole gdje traže da se isti prolongira do 2026. godine.

Do ostavljenog roka za dostavu pisanih komentara, odnosno do 28.12.2015. godine do 12:00 sati, u FERK nisu primljeni pisani komentari na Nacrt dozvole za rad za proizvodnju električne energije.

U skladu sa članom 26. stav (2) Pravilnika o javnim raspravama i rješavanju zahtjeva, sporova i žalbi, a na osnovu održane opšte rasprave, voditelj postupka pripremio je pisani izvještaj, koji je sadržavao kratak pregled toka rasprave, zapisnik sa opšte rasprave, komentare, analizu datih komentara i preporuke, te je iste uputio podnosiocu zahtjeva na komentare 29.12.2015. godine pod brojem 06-03-695-11/24/15.

Podnosilac zahtjeva je povodom navedenog FERK-u dostavio 06.01.2016. godine dopis primljen u FERK pod brojem 06-03-695-12/24/15 u kojem je naveo da je saglasan sa izvještajem voditelja javne rasprave, te da na predloženi tekst nacрта dozvole nema primjedbi.

Izveštaj voditelja postupka sa komentarima podnosioca zahtjeva dostavljen je članovima FERK-a dana 18.01.2016. godine pod internim brojem 06-08-38/16, na razmatranje radi donošenja odluke.

Na osnovu obrade Zahtjeva za izmjenu i dopunu dozvole za rad podnosioca „ELGRAD“ d.o.o. Jajce i dokumentacije priložene uz zahtjev, te analize postupka opšte rasprave, kao i komentara javnosti datih u postupku opšte rasprave, odnosno izvještaja voditelja postupka i komentara podnosioca zahtjeva na izvještaj voditelja postupka izvršena je izmjena i dopuna Dozvole za rad za proizvodnju električne energije broj 06-03-98/2/08 od 21.07.2014. godine, sa novim proizvodnim objektom mHE „Kasumi“. Predmetna dozvola za rad je izmijenjena i dopunjena u skladu sa zahtjevom podnosioca, te je usklađena sa odredbama Zakona o korištenju obnovljivih izvora energije i efikasne kogeneracije, te Pravilnika za izdavanje dozvola i Pravilnika o sticanju statusa kvalifikovanog proizvođača, s tim da je period važenja dozvole za rad ostao nepromijenjen. Postavljeni uslovi stvaraju obavezu „ELGRAD“ d.o.o. Jajce da u rokovima propisanim u tim uslovima dozvole za rad za proizvodnju električne energije iste ispuni, u cilju zadovoljenja propisanih kriterija.

Na osnovu navedenog, odlučeno je kao u dispozitivu ovog rješenja.

POUKA O PRAVNOM LIJEKU:

Protiv ovog rješenja podnosilac zahtjeva može tužbom pokrenuti upravni spor kod Kantonalnog/Županijskog suda u Mostaru u roku od 30 dana od dana prijema rješenja. Tužba se predaje sudu direktno ili mu se šalje poštom preporučeno. Tužba se može izjaviti i na zapisnik kod navedenog suda ili bilo kojeg drugog suda.

v.d. PREDsjednice FERK-a
Sanela Pokrajčić